

ՎԵՏԱՓԱՌ ՏԱՅՐԱԴԵՏԻ ՇՆՈՐԱՎՈՐԱԿԱՆ ՈՒՂԵՐԶԸ ՇՈՒՇԻԻ ԱԶԱՏԱԳՐՄԱՆ 10-ԱՄՅԱԿԻ ԱՌԻԹՈՎ

Ն.Ս.Օ.Տ.Տ. Գարեգին Բ Ամենայն հայոց Կաթողիկոսը Շուշիի ազատագրման 10-րդ փարեղարձի առիթով, մայիսի 8-ին, նամակ է հղել Լեռնային Ղարաբաղի հանրապետության նախագահ Արկադի Ղուկասյանին՝ իր օրհնությունն ու շնորհավորանքը հայտնելով ԼՂ նախագահին և ողջ արցախահայությանը: Հետագրում ասվում է.

Մեծարժո Լախագահ

Մայր Աթոռ Սուրբ Էջմիածնից ողջունում և հայրապետական Մեր օրհնությունն ու շնորհավորանքներն ենք հղում Ձեզ և հավատարմոր համայն արցախահայությանը՝ Շուշիի ազատագրման 10-րդ փարեղարձի առիթով:

Մեր ժողովրդի հազարամյա պատմությանը փառավոր նոր էջ հավելեց Շուշիի հերոսամարտը՝ շրջադարձային դառնալով Արցախի ազատագրության և հանուն հայրենի հողի, արդարության ու իրավունքի պաշտպանության հայոց նոր պարերազմում:

Աշխարհասփյուռ մեր ողջ ժողովրդի հեղ Մենք առանձնակի խնդրությամբ ենք տոնում Շուշիի ազատագրության տասնամյա հոբելյանը՝ աղոթքով հիշելով վասն հայրենյաց իրենց կյանքը նվիրած մեր փառապանծ ազատամարտիկներին, որ երկնքից այսօր ուրախակից են մեզ:

Մեծապես ուրախ ենք, որ Շուշիի հերոսամարտի տասներորդ տարեդարձն իր ազատությունը նվաճած Արցախ աշխարհը դիմավորում է նոր կյանքի կառուցման հաջողություններով և ապագայի հանդեպ վստահությամբ ու լավատեսությամբ: Այսօր առ Աստված մեր աղոթքն է, որ Տերն Իր հանապազ խնամքի և օրհնության ներքո անխորտակ պահի հայոց արևելյան բերդամրոցը՝ առաքյալների քարոզության հեղեղը կրող սրբավայրերով և հերոսական իր ժողովրդով:

Թող Տերը պարգևի Ձեզ, հարգարժան պրն Ղուկասյան, և Ձեզ ծառայակից պետական այրերին քաջառողջություն և հայրենաշեն գործոց նորանոր հաջողություններ:

Օրհնությամբ՝

ԳԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՏԱՅՈՑ